

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0051547 22
Zenica, 14.10.2024. godine

KANTONALNOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku F
BiH, **podizem**
OPTUŽNICU

Protiv:

S.S., osuđivan presudom Općinskog suda u Kaknju od 22.10.2012. godine zbog krivičnog djela iz člana 286. stav 2. u vezi sa članom 31. i 55. KZ F BiH, na kaznu zatvora u trajanju od 3 (tri) mjeseca, uslovno 1 (jedna) godina, presudom Općinskog suda u Kaknju od 16.07.2014. godine zbog krivičnog djela iz člana 286. stav 2. u vezi sa članom 31. KZ F BiH, na kaznu zatvora u trajanju od 2 (dva) mjeseca, uslovno 1 (jedna) godina, presudom Općinskog suda u Kaknju od 15.02.2016. godine zbog krivičnog djela iz člana 286. stav 2. KZ F BiH, na kaznu zatvora u trajanju od 1 (jedan) mjesec, uslovno 2 (dvije) godine, presudom Općinskog suda u Kaknju od 27.10.2017. godine zbog krivičnog djela iz člana 286. stav 2. u vezi sa članom 31. KZ F BiH, na kaznu zatvora u trajanju od 3 (tri) mjeseca, uslovno 3 (tri) godine,

Što je:

dana 14.12.2022. godine oko 20,35 sati u ulici A.I. u K., u namjeri da sebi pribavi protupravnu imovinsku korist oduzimanjem tuđe pokretne stvari uz upotrebu opasnog oruđa, ušao u trgovinsku radnju „G...“ vlasništvo P.M. maskiran fantomkom preko lica i nožem u ruci, gdje je uz prijetnju upotrebom noža od radnice M.M. zatražio novac, a nakon što se povukla prema policama, on je otvorio ladicu koja se nalazi ispod pulta sa desne strane i uzeo papirni novac u apoenima od 10 i 20 KM, ukupno 100 KM, iako je bio svjestan da na ovaj način ozbiljnom prijetnjom pribavlja sebi protupravnu imovinsku korist, što je i htio, nakon čega se trčećim korakom udaljio od prodavnice u nepoznatom pravcu, oštetivši na taj način vlasnicu trgovinske radnje P.M. za iznos od 100,00 KM,

dakle, upotrebom opasnog oruđa, prijetnjom da će izravno napasti na život i tijelo oduzeo tuđu pokretninu s ciljem da njenim prisvajanjem pribavi sebi protupravnu imovinsku korist,

čime je počinio krivično djelo razbojništva iz člana 289. stav 2. u vezi sa stavom 1. KZ F BiH.